

TOK I GO PAS

Nasarin sios i bin kamap bilong autim klia wanpela bikpela tok. Dispela tok i olsem: God inap mekim yumi i kamap holi olgeta. Planti pasto na lemanmeri (Ol lain Kristen i no pasto) i wok long autim gutnuis long ol manmeri bilong planti pies long kantri bilong yumi. Ol dispela manmeri i ken harim klia tok bilong kamap Kristen na bihainim pasin holi.

Yumi laik holimpas dispela bilip God i bin givim long ol Kristen tumbuna. Dispela bilip ol manmeri bilong God bipo ol i bin holim. Yumi laik holim tru dispela bilip na dispela wokabaut long pasin holi. Dispela pasin long God inap mekim yumi i kamap holi olgeta em i olsem namba tu wok marimari bilong God. Yumi tu i laik wok gut wantaim ol arapela hap lain bilong sios bilong Jisas Kraiss long mekim kingdom bilong God i kamap bikpela namel long ol manmeri.

Dispela Bun Bilong Bilip, Lo Na Pasin Bilong Ranim Sios, Kontrak Bilong Wokabaut Bilong Ol Kristen, na ol arapela i stap long dispela MANUAL, olgeta bai soim mipela laik stap gutpela Kristen piksa long ol.

BUN BILONG BILIP BILONG NASARIN SIOS

I. God Triwan

1. Yumi bilip long wanpela God i stap oltaim oltaim bipo, nau, na oltaim bihain. Em i no gat wanpela samting i banisim em. Em i bos bilong olgeta samting long skai na graun tu. Yumi bilip God i wanpela tasol, em i bin mekim kamap olgeta samting na em i lukautim olgeta samting. Em i stap holi na i save mekim stretpela pasim tasol. Dispela bikpela God i triwan long laip bilong em, na i kamap long yumi olsem Papa na Pikinini na Holi Spirit.

(Stat 1; Wok Pris 19:2; Lo 6:4-5; Aisaia 5:16, 6:1-7, 40:18-31; Matyu 3:16-17, 28:19-20. Jon 14:6-27; 1 Korin 8:6; 2 Korin 13:14; Galesia 4:4-6; Efesus 2:13-18)

II. Jisas Kraiss

2. Yumi bilip long Jisas Kraiss. Em i namba tu bilong God Triwan. Em i stap oltaim bipo tru wankain wantaim Papa, na bihain i kam daun na kisim bodi olsem man. Maria, dispela meri i no save slip wantaim wanpela man, em i karim Jisas long strong bilong Holi Spirit. Olsem na laip bilong God i pas wantaim laip bilong man na tupela i kamap wanpela. Dispela wanpela i God tru na man tru tupela wantaim.

Yumi bilip Jisas Kraiss i bin dai long tekewe olgeta sin bilong yumi. Na tru tumas em i bin kirap bek long matmat. Em i bin kisim bodi bilong em wantaim ol strong inap long mekim pasin bilong man i kamap stret tru, na em i go antap long heven. Nau em i stap long heven na mekim wok bilong prea bilong helpim yumi. (Matyu 1:20-25, 16:15-16; Luk 1:26-35; Jon 1:1-18; Aposel 2:22-36; Rom 8:3, 32-34; Galesia 4:4-5; Filipai 2:5-11; Kolosi 1:12-22; 1 Timoti 6:14-16; Hibru 1:1-5, 7:22-28, 9:24-28; 1 Jon 1:1-3, 4:2-3, 15)

III. Holi Spirit Bun Bilong Bllip

3. Yumi bilip long Holi Spirit. Em i namba tri bilong God Triwan. Em i stap oltaim wantaim sios na em i wok insait long sios bilong Krai. Holi Spirit i sutim bel bilong ol manmeri bilong graun inap long ol i ken save long sin ol i bin mekim. Ol man i tanim bel na bilip long Krai, Spirit i mekim ol i kamap nupela. Em i mekim ol bilipman i kamap holi. Em i stiaim yumi long olgeta tok tru i stap long Jisas. Jisas em i as bilong tok tru.

(Jon 7:39; 14:15-18, 26; 16:7-15; Aposel 2:33; 15:8-9; Rom 8:1-27; Galesia 3:1-14; 4:6; Efesus 3:14-21; 1 Tesalonaika 4:7-8; 2 Tesalonaika 2:13; 1 Pita 1 :2; 1 Jon 3:24; 4:13)

IV. Baibel, Tok Bilong God

4. Yumi bilip Holi Spirit yet i bin kamapim olgeta tok bilong Baibel. Yumi bilipim ol dispela 66 buk bilong Olpela Testamen na Nupela Testamen em tasol i tok bilong God. God yet long Holi Spirit i bin kamapim dispela tok. Dispela tok em i no popaia long soim laik bilong God long yumi long olgeta samting bilong kisim bek yumi long sin. Tok i no stap long Baibel bai yumi no inap pasim strong long ol meri olsem bun bilong bilip.

(Luk 24:44-47; Jon 10:35; 1 Korin 15:3-4; 2 Timoti 3:15,17; 1 Pita 1:10-12; 2 Pita 1:20-21)

V. Sin I Kam Long Adam Na Sin Yumi Yet Mekim

5. Yumi bilip taim Adam na Iv i bikhet long God na i sakim tok bilong em, sin i bin kamap long bel bilong tupela. Na sin i bringim dai i kam. Yumi bilip i gat tupela kain sin. Wanpela i sin i bin kamap long Adam, olsem olupela bel o as bilong sin (bikhet tingting), na narapela em dispela sin yumi wan wan i save kirap na mekim olsem bikhet pasin na sakim lo bilong God.

5.1. Yumi bilip as bilong sin em i bikhet tingting long bel bilong ol tumbuna pikinini bilong Adam na i bin bagarapim yumi nogut tru. Na olgeta manmeri wan wan i lusim pinis stretpela pasin o klinpela pasin bilong tumbuna papamama bilong yumi, Adam na Iv. Tupela i bihainim stretpela pasin olgeta bipo, taim God i bin wokim tupela. Nau olgeta manmeri i bikhet long God. Ol i no gat laip bilong Spirit. Ol i laik mekim pasin nogut oltaim. Yumi bilip dispela bikhet tingting i stap yet long laip bilong ol man God i bin kisim bek, inap long taim God i rausim as bilong sin (bikhet tingting) taim ol bilipman i kisim baptais long Holi Spirit.

5.2. Yumi bilip as bilong sin em i narapela kain long sin yumi yet mekim. Tasol dispela as bilong sin em bai pulim yumi long go insait long ol sin pasin. Na yumi no inap kisim bel kot long dispela as bilong sin bipo Holi Spirit bai givim save long tingting bilong yumi na yumi bai tok “yes” o “nogat” long dispela tok bilong God

5.3. Yumi bilip sin tru yumi mekim, em taim yumi bai brukim lo bilong God yumi save klia tru. Dispela bikhet pasin i no olsem sampela arapela pasin yumi no tingim o no save na yumi mekim. Adam na Iv i mekim sin, na tingting na save na

strong bilong manmeri i go sot olgeta. Nau long dispela as kain kain pasin na toktok na wok bilong yumi i no kamap pinis long mak i stret na i gutpela olgeta. Tingting i sot o i go lus. Yumi mekim asua long wok o toktok. Sampela taim tingting i kranki. Sampela taim yumi traim hat, tasol yumi no inap mekim gutpela pasin olgeta. Sampela taim maus, o tingting o wokabaut i popaia.

Tasol sapos yumi bikhet long Spirit bilong Krais, nogut yumi tok, “Sori, mipela i pikinini bilong Adam, man bilong graun tasol.” Nogat. Sapos tingting o toktok o wokabaut i birua wantaim laip bilong Krais, sin i stap long bel na tingting bilong yumi. Yumi bilip sin yumi mekim i gat dispela as: Yumi sakim pasin bilong givim bel long God na long manmeri. Na taim yumi skelim yumi wantaim Krais, sin i olsem: Yumi no bilip tru long Krais.

(As bilong sin (bikhet tingting): Stat 3; 6:5; Jop 15:14; Buk Song 51:5; Jeremaia 17:9-10; Mak 7:21-23; Rom 1:18-25; 5:12-14; 7:1-8:9; 1 Korin 3:1-4; Galesia 5:16-25; 1 Jon 1:7-8)

(Sin yumi yet mekim (bikhet pasin): Matyu 22:36-40 (wantaim 1 Jon 3:4); Jon 8:34-36; 16:8-9; Rom 3:23; 6:15-23; 8:18-24; 14:23; 1 Jon 1:9-2:4; 3:7-10)

VI. Wok Jisas I Mekim Bilong Yumi i Ken Kamap Wanbel Wantaim God *(Atonement)*

6. Yumi bilip Jisas Krais i bin karim pen na i kapsaitim blut bilong em yet na i dai long diwai kros. Em i bin mekim olsem bilong tekewe olgeta sin bilong olgeta manmeri na mekim yumi i kamap wanbel wantaim God. Dispela wok Jisas i mekim bilong baim bek yumi, em tasol i wokim rot bilong God i ken kisim bek yumi long pasin bilong sin o bikhet pasin yumi bin mekim. Em inap long helpim olgeta manmeri wanwan long lain bilong Adam. Dai bilong Jiasa inap mekim yumi i kamap wanbel wantaim God. Long marimari bilong God tasol em inap kisim bek ol manmeri i longlong wantaim ol pikinini i no gat save yet. Wok bilong Jisas bilong baim bek yumi em inap kisim bek ol manmeri i gat tingting na save, tasol ol i mas tanim bel na bilip pastaim.

(Aisaia 53:5-6, 11; Mak 10:45; Luk 24:46-48; Jon 1:29; 3:14-17; Aposel 4:10-12; Rom 3:21-26; 4:17-25; 5:6-21; 1 Korin 6:20; 2 Korin 5:14-21; Galesia 1:3-4; 3:13-14; Kolosi 1:19-23; 1 Timoti 2:3-6; Taitus 2:11-14; Hibu 2:9; 9:11-14; 13:12; 1 Pita. 1:18-21; 2:19-25; 1 Jon 2:1-2)

VII. Marimari I Go Bipo (Prevenient Grace)

7. Yumi bilip God i bin wokim man olsem piksa bilong em yet. Olsem, nau man i stap fri. God i givim strong long man long makim stretpela pasin, o sapos laik bilong man, em i ken bihainim pasin nogut. Man i mekim long laik bilong em yet na bai em i kisim pe long pasin em yet i bihainim. Long taim Adam i pundaun long sin, olgeta manmeri i bagarap i kam inap long nau. Long strong bilong em yet, na long wok bilong em yet, man i no inap tanim bel na redim em yet long bilipim God na singaut long em. Tasol yumi bilip tu long marimari bilong God i kam long Jisas Krais, dispela marimari God i givim nating long olgeta manmeri.

Em inap helpim olgeta man i gat laik olsem, bai ol inap ginim baksait long sin na kisim stretpela pasin. Em inap helpim ol i bilip long Jisas Krai i ken lusim sin bilong ol na klinim ol sin bilong ol. Em inap helpim yumi olgeta long bihainim olgeta gutpela wok God yet i lukim na laikim.

Yumi bilip manmeri God i bin mekim i kamap nupela, na manmeri God i bin mekim ol i kamap klinpela tru, ol dispela manmeri inap lusim bilip na i go ausait long marimari bilong God. Na sapos ol i no tanim bel na lusim pasin bilong mekim sin, bai ol inap lus pinis olgeta.

(Stretpela pasin i wankain God: Stat 1:26-27; 2:16-17; Lo 28:1-2; 30:19; Josua 24:15; Buk Song 8:3-5; Aisaia 1:8-10; Jeremaia 31:29-30; Esekiel 18:1-4; Maika 6:8; Rom 1:19-20; 2:1-16; 14:7-12; Galesia 6:7-8; Man yet i no inap: Jop 14:4; 15:14; Buk Song 14:1-4; 51:5; Jon 3:6a; Rom 3:10-12; 5:12-14, 20a; 7:14-25; Marimari yumi kisim nating na wok yumi bilip na mekim: Esekiel 18:25-26; Jon 1:12-13, 3:6b; Aposel 5:31; Rom 5:6-8, 18; 6:15-16, 23; 10:6-8; 11:22; 1 Korin 2:9-14; 10:1-12; 2 Korin 5:18-19; Galesia 5:6; Efesus 2:8-10; Filipai 2:12-13; Kolosi 1:21-23; 2 Timoti 4:10a; Taitus 2:11-14; Hibru 2:1-3, 3:12-15, 6:4-6, 10:26-31; Jems 2:18-22, 2 Pita 1:10-11, 2:20-22)

VIII. Tanim Bel (*Repentance*)

8. Yumi bilip long pasin bilong tanim bel. Tanim bel em i pasin bilong man i tingim gut na senisim tingting bilong em long sin em i bin mekim. Man i pilim hevi bilong sin bilong em na em yet i laik tanim baksait long dispela sin. Olgeta manmeri i bin mekim sin na brukim lo bilong God, Ol i mas tanim bel. Spirit i save helpim ol long sem long sin na wetim marimari bilong God, inap long ol i ken bilip nau God i tekewe sin bilong ol na givim ol nupela laip.

(2 Stori 7:14; Buk Song 32:5-6, 51 :1-17; Aisaia 55:6-7; Jeremaia 3:12-14; Esekiel 18:30-32, 33:14-16; Mak 1:1415; Luk 3:1-14, 13:1-5, 18:9-14; Aposel 2:38, 3:19, 5:31, 17:30-31, 26:16-18; Rom 2:4; 2 Korin 7:8-11; 1 Tesalonaika 1:9; 2 Pita 3:9)

IX. God I Kolim Yumi Stretpela (*Justification*), Mekim Yumi Kamap Nupela (*Regeneration*),

Na Mekim Yumi Kamap Pikinini Bilong God (*Adoption*)

9. Yumi bilip God i kolim yumi stretpela manmeri (*justification*). Em i gutpela wok na stretpela wok bilong God long tekewe olgeta hevi bilong sin na rausim pe bilong ol sin yumi bin mekim. God i kolim olgeta manmeri i bilip long Jisas Krai i stretpela, long wanem, ol i bin kisim Jisas olsem Bikpela na man bilong kisim bek ol.

10. Yumi bilip God i mekim yumi i kamap nupela (*regeneration*). Em i gutpela wok bilong God olsem pasin bilong bel bilong man i senis na i kamap narakain na em i kisim nupela laip. Long dispela nupela laip em inap bihainim pasin bilong bilip na pasin bilong givim bel, na pasin bilong bihainim tok.

11. Yumi bilip God i mekim yumi i kamap pikinini bilong em (*adoption*). Dispela em i gutpela wok God i mekim long ol bilipman. God i bin kolim ol bilipman i

strepela. na God i bin mekim ol i kamap nupela. God i kolim dispela kain man pikinini bilong em.

12. Yumi bilip God i kolim yumi strepela, na God i mekim yumi i kamap nupela, na God i mekim yumi i kamap pikinini bilong em. Dispela olgeta tripela samting i kamap wantaim long laip bilong ol manmeri i painim God. Olgeta manmeri inap kisim dispela wok marimari bilong God taim ol i tanim bel pinis na bilip long Jisas. Holi Spirit i save tokaut klia long bel bilong yumi taim God i mekim pinis dispela wok marimari bilong em.

(Luk 18:14; Jon 1:12-13, 3:3-8, 5:24; Aposel 13:39; Rom 1:17, 3:21-26,28, 4:5-9,17-25, 5:1,16-19, 6:4, 7:6, 8:1,15-17; 1 Korin 1 :30; 6:11; 2 Korih 5:17-21; Galesia 2:16-21, 3:1-14,26, 4:4-7; Efesus 1 :6-7, 2:1.4-5; Filipai 3:3-9; Kolosi 2:13; Taitus 3:4-7; 1 Pita 1:23; 1 Jon 1:9, 3:1-2,9, 4:7, 5:1,9-13,18)

X. God I Mekim Bel Bilong Manmeri Kamap Klin Tru (*Entire Sanctification*)

13. Yumi bilip God inap mekim yumi i kamap nupela na bihain em inap wok na mekim bel i kamap klin tru. God inap rausim as bilong sin o bikhet tingting i stap long ol bilipman na bai dispela man inap givim bel tru long God na bihainim tru God. Nau pasin bilong givim bel i kamap gutpela tru.

Taim manmeri i kisim baptais long Holi Spirit, o pulap long Holi Spirit, long dispela wanpela taim God i rausim tru as bilong sin long bel bilong ol. Na God i givim Holi Spirit i stap insait long ol dispela bilipman inap long strongim ol long wokabaut na wok bilong ol.

Taim Jisas i kapsaitim blut bilong em, em i wokim rot bilong mekim ol bilipman i kamap klin tru long ai bilong em. God i mekim wantu dispela pasin bilong kamap holi olgeta long bel bilong man i bilip tru God inap mekim. Pastaim man i mas givim olgeta laip bilong em long God na bai God i mekim em i kamap holi tru. Taim God i mekim dispela wok marimari long laip bilong yumi, Holi Spirit i tokaut long yumi na yumi save pinis bikhet tingting i pinis olgeta.

Kain kain nem i soim kain kain tingting insait long dispela wok bilong God. Ol nem i olsem: "Kristen i stap stret tru", "Pasin bilong givim bel i kamap gutpela tru", "Bel i klin", "Baptais long Holi Spirit", "Pulap long Holi Spirit", "Blesing i pulap", "Kristen wokabaut holi".

14. Yumi bilip dispela pasin bilong klinpela bel, o rausim as bilong sin, na pasin bilong kamap strongpela Kristen pinis i no wankain. Pasin bilong klinpela bel em inap kamap long wanpela taim na em inap kamap kwiktaim. Pasin bilong strong pinis em i samting bilong marimari bilong God i gro na karim prut long laip bilong bilipman. Yumi bilip long marimari bilong God i mekim yumi kamap klin tru, dispela inap subim yumi kwiktaim long kamap strongpela Kristen tru. Yumi i wok wantaim Holi Spirit, na bai Holi Spirit yet i kirapim yumi long kamap strongpela Kristen olsem mak bilong Krai yet. Yumi ken mekim Kristen laip i kamap strongpela moa sapos yumi bihainim olgeta pasin Krai i bin mekim. Sapos yumi no mekim olsem, bai testimani long yumi i gat klinpela bel inap bruk daun na

bikhet tingting inap kirap long bel gen.

(Jeremaia 31:31-34; Esekiel 36:25-27; Malakai 3:2-3; Matyu 3:11-12; Luk 3:16-17; Jon 7:37-39, 14:15-23, 17:6-20; Aposel 1:5, 2:1-4, 15:8-9; Rom 6:11-13,19, 8:1-4,8-14, 12:1-2; 2 Korin 6:14-7:1; Galesla 2:20, 5:16-25; Efesus 3:14-21, 5:17- 18, 25-27; Filipai 3:10-15; Kolos 3:1-17; 1 Tesalonaika 5:23-24; Hibru 4:9-11, 10:10-17, 12:1-2, 13:12; 1 Jon 1:7,9)

(“Kristen i stap stret tru” na “Pasin bilong givim bel i kamap gutpela tru”: Lo 30:6; Matyu 5:43-48, 22:37-40; Rom 12:9-21, 13:8-10; 1 Korin 13; Filipai 3:10-15; Hibru 6:1; 1 Jon 4:17-18 “Bel i kiln”: Matyu 5:8; Aposel 15:8-9; 1 Pita 1 :22; 1 Jon 3:3 “Baptais long Holi Spirit”: Jeremaia 31:31-34; Esekiel 36:25-27; Malakai 3:2-3; Matyu 3:11-12; Luk 3:16-17; Aposel 1:5, 2:1-4, 15:8-9 “Blesing bilong Krai i pulap”: Rom 15:29 “Kristen wokabaut holi”: Matyu 5:1-7:29; Jon 15:1-11; Rom 12:1-15:3; 2 Korin 7:1; Efesus 4:17-5:20; Filipai 1 :9-11, 3:12-15; Kolosi 2:20-3:17; 1 Tesalonaika 3:13, 4:7-8, 5:23; 2 Timoti 2:19-22; Hibru 10:19-25, 12:14, 13:20-21; 1 Pita 1.15-16; 2 Pita 1:1-11, 3:18; Jut 20-21)

XI. Sios

15. Yumi bilip long sios em i dispela bung bilong ol manmeri i bilip tru Jisas Krai em i Bikpela. God i bin mekim kontrak wantaim dispela manmeri na em i bin mekim ol i kamap nupela long strong bilong Krai. Sios em i bodi bilong Krai. Holi Spirit i bin makim na bungim dispela lain manmeri long Tok Bilong God, o Buk Baibel.

God i makim sios long soim laip bilong ol long pasin wanbel na long bung wantaim Spirit bilong God. God i makim sios long lotu tru long em long pasin bilong autim tok bilong Baibel, long pasin bilong wokim ol sakramen olsem baptais na komunion, na long pasin bilong helpim arapela manmeri long nem bilong Krai, na long wok wantaim na harim tok na karim hevi bilong ol arapela Kristen.

Wok bilong sios long dispela graun em i bilong mekim i go moa yet dispela wok bilong Krai bilong kisim bek ol manmeri. Sios i mekim olsem long strong bilong Holi Spirit na long pasin

bilong wokabaut stretpela na gutpela long pasin bilong autim gutnius, long lainim ol bilip manmeri i kamap disaipel tru, na bilong wok long helpim ol manmeri.

Sios em i bin i stap bipo tru na i kam inap nau. Em i save kisim pasin bilong ol kantri wan wan na kamapim pasin bilong ranim sios. Lokol kongrigesen wan wan em i sios. Na sios em i olgeta Kristen i stap long olgeta hap graun. God i makim ol dispela bilip manmeri long mekim kain kain wok bilong em yet.

God i makim sios long i stap aninit long em, King na Bikpela bilong ol. Sios i mekim wok bilong God, na i wetim kambek bilong Bikpela Jisas Krai long inapim pinis olgeta laik bilong God. (Kisim Bek 19:3; Jeremaia 31:33; Matyu 8:11, 10:7, 16:13-19,24,18:15-20, 28:19-20; Jon 17:14-26, 20:21-23; Aposel 1:7-8, 2.32-47, 6:1-2, 13:1, 14:23; Rom 2:28-29, 4:16, 10:9-15, 11 :13-32, 12:1-8, 15:1-3; 1 Korin 3:5-9, 7:17, 11:1,17-33, 12:3,12-31, 14:26-40; 2 Korin 5:11-6:1;

Galesia 5:6,13-14, 6:1-5,15; Efesus 4:1-17, 5:25-27; Filipai 2:1-16; 1 Tesalonaika 4:1-12; 1Timoti 4:13; Hibiru 10:19-25; 1 Pita 1:1-2,13, 2:4-12,21, 4:1-2,10-11; 1 Jon 4:17; Jut 24; Kamapim Tok Hait 5:9-10)

XII. Baptais

16. Yumi bilip Bikpela yet i bin tokim yumi long kisim baptais bilong ol Kristen. Baptais i wanpela mak i soim ol manmeri Jisas Krai i bin mekim yumi kamap wanbel wantaim God. Bilipman i kisim baptais long soim bilip bilong ol i olsem, "Jisas Krai i bin kisim bek mipela long sin". Long dispela bilip ol inap long bihainim olgeta pasin holi na pasin i stretpela tru.

Baptais em i mak bilong Nupela Testamen, olsem bai ol liklik pikinini inap kisim baptais, sapos papamama i laik, na tupela i promis long skulim pikinini long pasin bilong Kristen.

Kain kain pasin bilong givim baptais i stap na manmeri i laik kisim baptais ol inap makim laik bilong ol. Ol pasto inap tromoi liklikwara long ol, o kapsaitim wara long ol, o putim ol aninit, long wara.

(Matyu 3:1-7, 28:16-20; Aposel 2:37-41, 8:35-39, 10:44-48, 16:29-34, 19:1-6; Rom 6:3-4; Galesia 3:26-28; Kolosi 2:12; 1 Pita 3.18-22).

XIII. Kaikai Bilong Bikpela

17. Yumi bilip dispela kaikai bilong Komunion em i kaikai bilong tingim gen Jisas. Bikpela bilong yumi, Jisas Krai, man.bilong kisim bek yumi, em i bin kirapim dispela pasin. Em i mak bilong Nupela Testamen stret. Dispela pasin i save tokaut long dai bilong Jisas olsem ofa. Long dai bilong Jisas ol manmeri i bilip i save kisim laip, na God i save kisim bek yumi, na yumi kisim promis long olgeta presen bilong marimari bilong Krai. Komunion em i bilong ol manmeri i redi long givim ona na tingim gut as na mining bilong en. Ol i mas tingim gen dai bilong Bikpela inap long taim em i kam bek gen. Bikos Komunion em i piksa bilong stap wanbel, yumi mas singautim ol manmeri i bilip long Krai na ol i givim bel tru long ol arapela Kristen, long kisim Komunion.

(Kisim Bek 12:1-14; Matyu 26:26-29; Mak 14:22-25; Luk 22:17-20; Jon 6:28-58; 1 Korin 10:14-21, 11:23-32)

XIV. God Yet Em Inap Long Oraitim Sikman (*Divine Healing*)

18. Yumi bilip Baibel i lainim yumi God em inap long oraitim sikman. Yumi mas kirapim ol manmeri long mekim prea na bilip tru long God inap oraitim sikman. God tu i givim marasin na haus sik na ol dokta na nes long helpim yumi na yumi no inap tambuim marasin na dokta sapos ol inap helpim yumi.

(2 King 5:1-19; Buk Song 103:1-5; Matyu 4:23-24, 9:18-35; Jon 4:46-54; Aposel 5:12-16, 9:32-42, 14:8-15; 1 Korin 12:4-11; 2 Korin 12:7-10; Jems 5:13-16)

XV. Krai I Kam Bek Gen (*Second Coming of Christ*)

19. Yumi bilip Bikpela Jisas Krai bai i kam bek gen. Yumi manmeri i gat laip na

i stap yet, taim em i kam bek, bai yumi no i go paslain long ol manmeri bilong Krai Jisas i bin dai pinis. Nogat. Tasol sapos yumi i pas wantaim Jisas, bai Bikpela i kisim yumi i goap long skai wantaim ol Kristen manmeri i bin dai na i kirap bek gen. Na yumi lukim Bikpela. Na bai yumi stap wantaim Bikpela oltaim oltaim.

(Matyu 25:31-46; Jon 14:1-3; Aposel 1:9-11; Filipai 3:20-21; 1 Tesalonaika 4:13-18; Taitus 2:11-14; HIBRU 9:26-28; 2 Pita 3:3-15; Kamapim Tok Hait 1:7-8, 22:7-20]

XVI. Yumi Kirap Bek (*Resurrection*), Bikpela Kot (*Judgment*), Na Ples Kot I Skelim Long Ol Manmeri (*Destiny*)

20. Yumi bilip God bai i kirapim bek ol daiman. Ol bodi bilong ol stretpela man wantaim ol man i no stretpela bai i kirap bek na kisim laip na i bungim tewel bilong ol. Ol man i bin mekim gutpela pasin, bai ol i kirap bek na i kamap long kot, na i stap laip long heven. Na ol man i bin mekim pasin nogut, bai ol i kirap bek na i kamap long kot na bai ol i go long hel.

21. Yumi bilip bikpela kot i kamap bihain na olgeta manmeri i sanap long pes bilong God. Na bai God i skelim tru olgeta pasin ol i bin mekim long taim ol i stap laip.

22. Yumi bilip olgeta manmeri i bilip tru Jisas i bin kisim bek ol, na ol i bin bihainim tru Jisas Krai Bikpela bilong yumi, bai ol dispela manmeri inap kisim laip i gat amamas na ol i stap oltaim oltaim. Tasol ol manmeri i no bin tanim bel, ol bai i kisim pen nogut oltaim oltaim long hel.

(Stat 18:25; 1 Samuel 2:10; Buk Song 50:6; Aisaia 26:19; Daniel 12:2-3; Matyu 25:31-46; Mak 9:43-48; Luk 16:19-31, 20:27-38; Jon 3:16-18, 5:25-29, 11:21-27; Aposel 17:30-31; Rom 2:1-16, 14:7-12; 1 Korin 15:12-58; 2 Korin 5:10; 2 Tesalonaika 1:5-10; Kamapim Tok Hait 20:11-15, 22:1-15)